

## KERATAN AKHBAR

TARIKH : 8 DISEMBER 2023

AKHBAR : KOSMO

MUKA SURAT : 36

**Ekonomi Malaysia dijangka lebih kukuh pada 2024**

# Ekonomi Malaysia dijangka lebih kukuh pada 2024

**KUALA LUMPUR** – Ekonomi negara diunjurkan bertumbuh lebih kukuh tahun depan, disokong pelaksanaan dasar baharu kerajaan dan pemulihan perdagangan luar selain penstabilan dasar monetari di negara-negara utama dunia.

Pengarah/Ketua Penyelidik MIDF Research, Imran Yassin Md. Yusof berkata, kadar pertumbuhan Keluaran Dalam Negara Kasar (KDNK) Malaysia dijangka meningkat 4.7 peratus pada 2024, berbanding anggaran 4.2 peratus tahun ini.

“Permintaan dalam negeri yang berdaya tahan dan pemulihan perdagangan luar akan menyokong jangkaan peningkatan, manakala penstabilan dasar monetari di negara-negara utama, pemulihan China serta harga komoditi yang kukuh akan terus menyokong hasil luar Malaysia.

“Kami meramalkan harga komoditi kekal stabil dengan harga purata minyak sawit mentah dijangka pada RM3,600 setan dan harga minyak mentah Brent pada AS\$84 (RM397) setong untuk 2024,” katanya ketika membentangkan unjuran pasaran dan ekonomi Malaysia untuk tahun 2024 di sini semalam.

Menurut Imran, ekonomi do-



**KESTABILAN** kadar inflasi bakal memberi kesan kepada kadar OPR yang akan kekal tiga peratus pada tahun hadapan. – GAMBAR HIASAN

mestik juga dijangka disokong oleh perbelanjaan pengguna yang berterusan, aktiviti berkaitan pelancongan yang lebih sibuk dan pembinaan projek infrastruktur.

Tambahnya, pasaran pekerjaan Malaysia juga kekal dalam keadaan baik dan positif termasuk pertumbuhan dalam guna teriaga dan kadar pengangguran yang lebih rendah.

Selain itu, MIDF Research menjangkakan kadar dasar se-

malaman (OPR) akan kekal pada tiga peratus berdasarkan jangkaan penstabilan kadar inflasi teras dan persekitaran luaran yang mencabar.

Pada masa sama, petunjuk utama Bursa Malaysia, FBM KLCI diramalkan terus disokong persekitaran monetari lebih baik dan aktiviti ekonomi yang berdaya tahan untuk mencapai 1,665 pada hujung 2024 mewakili kadar harga berbanding pendapatan sebanyak 15 kali.